

HELAIAN PENDEDAHAN PRODUK

Baca Helaian Pendedahan Produk ini sebelum anda membuat keputusan untuk mengambil Mortgage Reducing Term Assurance. Pastikan anda juga membaca terma dan syarat am.

Mortgage Reducing Term Assurance (MRTA)

MANULIFE INSURANCE BERHAD (200801013654 (814942-M))

<tarikh>

1. Apakah produk ini?

Mortgage Reducing Term Assurance ditawarkan kepada semua pelanggan Alliance Bank yang telah diluluskan untuk kemudahan pinjaman. Ini adalah polisi kumpulan premium tunggal tanpa penyertaan yang menyediakan perlindungan bagi Kematian, Hilang Upaya Menyeluruh dan Kekal (TPD). Sekiranya berlaku kematian atau TPD dalam tempoh perlindungan, Nilai Muka yang dikurangkan akan dibayar kepada Alliance Bank untuk menampung baki kemudahan pinjaman. Baki lebihan, jika ada, akan dibayar kepada Orang Yang Diinsuranskan. Jika tiada Orang Yang Diinsuranskan yang masih hidup, manfaat akan dibayar kepada Penama.

Rider Critical Illness (CI) menyediakan bayaran sekaligus apabila Orang Yang Diinsuranskan didiagnosis dengan mana-mana satu daripada Peristiwa Dilindungi dalam tempoh 6 Tahun Polisi pertama untuk menampung baki kemudahan pinjaman atau mengimbangi bayaran ansuran pinjaman. Sekiranya berlaku kematian atau Hilang Upaya Menyeluruh dan Kekal (TPD) ke atas Orang Yang Diinsuranskan, nilai tunai rider akan dibayar.

2. Apakah Perlindungan / Manfaat yang disediakan?

Jenis Perlindungan	Manfaat/Nilai Muka (RM)
Kematian*	<nilai muka bagi kematian>
Hilang Upaya Menyeluruh dan Kekal (TPD)*	<nilai muka bagi TPD>
Penyakit Kritikal (CI)**	<nilai muka Rider CI, jika dilampirkan>

NOTA:
***Manfaat Kematian & TPD**

Ini adalah Nilai Muka permulaan bagi kematian dan TPD dengan premium yang dibiayai ke dalam pinjaman. Nilai Muka akan berkurang pada setiap bulan. Nilai Muka yang dikurangkan pada permulaan setiap tahun polisi disediakan dalam Ilustrasi Produk. Sekiranya berlaku kematian atau TPD, nilai tunai rider, jika ada, akan dibayar.

****Manfaat CI**

- Setelah didiagnosis dengan mana-mana satu daripada Peristiwa Dilindungi, Rider CI akan membayar 100% daripada Nilai Muka secara sekaligus. Manfaat CI adalah bayaran manfaat tambahan kepada Manfaat Kematian & TPD, di mana polisi akan diteruskan selepas bayaran CI dibuat. Sila rujuk Senarai Peristiwa Dilindungi untuk penyakit kritikal yang dilindungi.

- Jika Orang Yang Diinsuranskan menjalani Angioplasti dan Rawatan Pembedahan Lain untuk Penyakit Arteri Koronari, 10% daripada Nilai Muka rider akan dibayar, tertakluk kepada maksimum RM25,000. Manfaat ini hanya dibayar sekali sahaja. Nilai Muka rider ini akan dikurangkan sebanyak jumlah yang telah dituntut.

SENARAI PERISTIWA DILINDUNGI:

1. Serangan Jantung	25. Hilang Keupayaan Bertutur
2. Strok	26. Kegagalan Hati Tahap Akhir
3. Penyakit Arteri Koronari yang Serius	27. Koma
4. Kanser	28. Kelecuman Tahap Ketiga
5. Kegagalan Buah Pinggang	29. Penyakit Neuron Motor
6. Pembedahan Aorta	30. Pembedahan Pintasan Arteri Koronari
7. Pembedahan Injap Jantung	31. Meningitis Bakteria
8. Buta	32. AIDS dengan Gejala Penuh
9. Penyakit Alzheimer / Demensia Teruk	33. Jangkitan HIV melalui Transfusi Darah
10. Penyakit Sistik Medulari	34. Kardiomiopathi
11. Anemia Aplastik Kronik	35. Lupus Eritematosus Sistemik dengan Komplikasi Buah Pinggang yang Teruk
12. Penyakit Paru-Paru Tahap Akhir	36. Jangkitan Virus Kurang Daya Tahan Melawan Penyakit (HIV) yang Diperoleh Secara Pekerjaan
13. Pekak	37. Pembedahan Otak
14. Trauma Kepala Utama	38. Penyakit Terminal
15. Penyakit Parkinson	39. Sindrom Apallic
16. Kehilangan Upaya Hidup Sendiri (Berdikari)	40. Keradangan Pankreas Berulang dan Kronik
17. Ensefalitis	41. Penyakit Creutzfeldt-Jakob (Penyakit Lembu Gila)
18. Tumor Otak Benigna	42. Elefantiasis
19. Pemindahan Organ Utama/ Sumsum Tulang	43. Poliomieltis
20. Sklerosis Berbilang	44. Skleroderma Progresif

21. Hypertensi Arteri Primer Pulmonari	45. Hepatitis Autoimun Kronik
22. Hepatitis Viral Fulminan	46. Penyakit Crohn dengan Fistula
23. Kelumpuhan Anggota	47. Sindrom Eisenmenger Teruk
24. Distrofi Otot	

3. Berapakah premium yang saya perlu bayar?

Premium yang perlu anda bayar mungkin berbeza-beza bergantung pada keputusan pengunderaitan. Ia berbeza-beza bergantung pada umur anda, Nilai Muka dan tempoh perlindungan. Anggaran premium tunggal yang perlu anda bayar adalah <jumlah premium tunggal>, yang mana premium akan dibiayai bersama-sama dengan pinjaman anda.

4. Apakah yuran dan caj saya perlu bayar?

Perbelanjaan berkaitan polisi seperti komisen telah dimasukkan ke dalam premium anda.

Komisen:

Asas/Rider	Jumlah
MRTA	10% daripada premium atau <Jumlah komisen MRTA>
Rider CI	10% daripada premium atau <Jumlah komisen Rider CI>

5. Apakah terma dan syarat utama yang saya perlu ketahui?

- Kepentingan pendedahan - anda mesti mendedahkan semua fakta material seperti keadaan perubatan dan menyatakan umur anda dengan betul.
- Tempoh percubaan percuma - anda boleh membatalkan perlindungan insurans anda dengan memulangkan Sijil Insurans kepada Manulife dalam tempoh lima belas (15) hari dari tarikh penerimaan. Jika premium dibiayai oleh bank, premium tunggal yang dibayar tolak sebarang perbelanjaan perubatan yang ditanggung akan dikembalikan kepada bank dan Sijil Insurans akan dibatalkan. Namun, jika premium dibiayai oleh anda, premium tunggal yang dibayar tolak sebarang perbelanjaan perubatan yang ditanggung akan dikembalikan kepada anda dan Sijil Insurans akan dibatalkan.
- Had pada TPD - manfaat TPD menyediakan perlindungan sehingga umur enam puluh lima (65) tahun pada hari lahir berikutnya. Jumlah Hilang Upaya Sijil Insurans berkaitan dengan Orang Yang Diinsuranskan dan jumlah keseluruhan hilang upaya di bawah ini dan semua insurans ke atas kehidupan yang sama dengan Syarikat tidak boleh melebihi RM10,000,000.
- Anda dinasihatkan untuk menamakan penama bagi permohonan insurans anda untuk memastikan penyelesaian tuntutan berjalan lancar. Anda juga harus memastikan bahawa penama menyedari polisi yang anda telah beli.
- Kelayakan / Tempoh Menunggu - kelayakan untuk Manfaat CI di bawah polisi hanya akan bermula sekurang-kurangnya tiga puluh (30) hari selepas tarikh berkuat kuasa polisi.

Tempoh Menunggu	Peristiwa
30 hari	Semua Peristiwa Dilindungi kecuali Serangan Jantung, Kanser, Pembedahan Pintasan Arteri Koronari, Penyakit Arteri Koronari yang Serius, dan Angioplasti dan Rawatan Pembedahan Lain untuk Penyakit Arteri Koronari
60 hari	Serangan Jantung, Kanser, Pembedahan Pintasan Arteri Koronari, Penyakit Arteri Koronari yang Serius, dan Angioplasti dan Rawatan Pembedahan Lain untuk Penyakit Arteri Koronari

- Tempoh Kelangsungan Hidup - Manfaat akan dibayar dengan syarat Orang Yang Diinsuranskan terus hidup sekurang-kurangnya 30 hari selepas tarikh diagnosis bagi Peristiwa yang Dilindungi tersebut.

Nota: Senarai ini tidak lengkap. Anda boleh merujuk kepada Sijil Insurans untuk terma dan syarat di bawah pelan ini.

6. Apakah pengecualian utama di bawah polisi ini?

- Manfaat kematian tidak akan dibayar di bawah polisi ini jika ia disebabkan oleh Orang Yang Diinsuranskan, sama ada dalam keadaan waras atau tidak waras, melakukan bunuh diri dalam tempoh 13 bulan selepas Tarikh Pengeluaran Sijil Insurans. Dalam kejadian sedemikian, Sijil Insurans akan menjadi terbatal dan Manulife akan memulangkan semua premium yang dibayar tanpa faedah.
- Manfaat Hilang Upaya Menyeluruh dan Kekal tidak akan dibayar jika ia disebabkan secara langsung atau tidak langsung, sepenuhnya atau sebahagiannya, oleh mana-mana kejadian berikut:
 - Sebarang percubaan bunuh diri, sama ada dalam keadaan waras atau tidak waras, atau sebarang kecederaan yang disengajakan sendiri; atau
 - Perkhidmatan udara ketenteraan atau laut semasa perang yang diisytiharkan atau tidak diisytiharkan atau semasa di bawah arahan untuk operasi seperti perang atau pemulihan ketenteraman awam; atau
 - Melakukan perbuatan jenayah; atau
 - Aktiviti penerbangan selain sebagai penumpang yang membayar tambang atau kru dalam syarikat penerbangan penumpang komersial; atau
 - Di bawah pengaruh minuman keras yang memabukkan atau akibat penyalahgunaan dadah atau bahan; atau
 - Penyertaan dalam sebarang aktiviti berbahaya seperti, tetapi tidak terhad kepada, mendaki gunung, menyelam skuba, luncur gantung, perlumbaan kuda atau roda, dan sebagainya.

c) Tiada manfaat dibayar di bawah Manfaat Penyakit Kritikal:

i. jika Peristiwa Dilindungi disebabkan oleh penyakit sedia ada pada Tarikh Pengeluaran Rider/Manfaat.

Penyakit sedia ada merujuk kepada ketidakupayaan yang diketahui secara munasabah oleh Orang Yang Diinsuranskan. Orang Yang Diinsuranskan dianggap mempunyai pengetahuan munasabah tentang penyakit sedia ada apabila keadaan itu adalah untuk mana:

- Orang Yang Diinsuranskan telah menerima atau sedang menerima rawatan;
- nasihat perubatan, diagnosis, penjagaan atau rawatan telah disyorkan;
- gejala yang jelas dan nyata adalah atau telah terbukti; atau

- kewujudannya akan jelas kepada orang yang munasabah dalam keadaan tersebut.

ii. jika Peristiwa Dilindungi disebabkan, secara langsung atau tidak langsung, oleh penyalahgunaan alkohol atau bahan, keabnormalan kongenital termasuk kecacatan fizikal yang ada sejak lahir, cubaan bunuh diri atau kecederaan yang disengajakan sendiri.

iii. jika Peristiwa Dilindungi disebabkan oleh penyertaan dalam sebarang aktiviti berbahaya, seperti, tetapi tidak terhad kepada, mendaki gunung, menyelam skuba, luncur gantung, perlumbaan kuda atau roda, dan sebagainya; atau

iv. Apabila diagnosis atau kejadian ini berlaku dalam tempoh 30 hari pertama selepas Tarikh Pengeluaran. Ini terpakai untuk semua penyakit kritikal yang dilindungi kecuali Serangan Jantung, Kanser, Pembedahan Pintas Arteri Koronari, Penyakit Arteri Koronari yang Serius, atau Angioplasti dan Rawatan Pembedahan Lain untuk Penyakit Arteri Koronari di mana tempoh menunggu selama 60 hari dari Tarikh Pengeluaran diperlukan.

7. Bolehkah saya membatalkan Sijil Insurans saya?

Anda boleh membatalkan Sijil Insurans anda dengan memberikan notis bertulis kepada Manulife Insurance Berhad. Nilai penyerahan (jika ada) akan dibayar kepada anda, ditolak sebarang hutang pinjaman kepada bank.

8. Apa yang perlu saya lakukan jika terdapat perubahan pada butiran hubungan saya, Penama saya, atau Pemegang Amanah saya?

Adalah penting untuk anda, Penama anda, atau Pemegang Amanah anda memaklumkan Manulife tentang sebarang perubahan dalam butiran hubungan untuk memastikan semua surat-menyurat sampai kepada anda, Penama anda, atau Pemegang Amanah anda tepat pada masanya.

9. Di mana saya boleh mendapatkan maklumat lanjut?

Sekiranya anda memerlukan maklumat tambahan mengenai insurans hayat, sila rujuk buku kecil insuranceinfo mengenai 'Insurans Hayat', yang terdapat di semua cawangan kami atau anda boleh mendapatkan salinan daripada wakil bank berdaftar anda atau melayari www.insuranceinfo.com.my.

Jika anda mempunyai sebarang pertanyaan, sila hubungi kami di:

Manulife Insurance Berhad (200801013654 (814942-M))

Tingkat 12, Menara Manulife, 6, Jalan Gelanggang,

Damansara Heights,

50490 Kuala Lumpur.

Tel : (03) 2719-9112

E-mel : MYCARE@manulife.com

10. Jenis perlindungan / pelan lain yang serupa tersedia:

Sila hubungi kami atau mana-mana wakil bank sah anda untuk mendapatkan maklumat mengenai jenis pelan lain yang serupa yang kami tawarkan.

NOTA PENTING :

ANDA PERLU MEYAKINKAN DIRI BAHAWA POLISI INI AKAN MEMENUHI KEPERLUAN ANDA. ANDA PERLU MEMBACA DAN MEMAHAMI POLISI INSURANS DAN BERBINCANG DENGAN WAKIL BANK BERDAFTAR ANDA ATAU HUBUNGI MANULIFE INSURANCE BERHAD SECARA TERUS UNTUK MAKLUMAT LANJUT.

Manfaat yang dibayar di bawah produk yang layak dilindungi oleh PIDM sehingga had. Sila rujuk kepada Brosur TIPS PIDM atau hubungi Manulife Insurance Berhad atau PIDM (layari www.pidm.gov.my).

Maklumat yang diberikan dalam helaian pendedahan ini dijana seperti pada <tarikh>

Jika terdapat percanggahan antara versi Bahasa Inggeris dan Bahasa Malaysia untuk dokumen ini, versi Bahasa Inggeris akan digunakan.